



7. september 2016

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga:

- 1. True North Gems Greenlandip (TNGG) akiliisinnaajunnaarnerata kingunerisaanik Namminersorlutik Oqartussat aamma Namminersorlutik Oqartussat suliffeqarfiutaat inuiaqatigiit aningaasaataanik qanoq amerlatigisunik annaasaqarpat?**
- 2. TNGG-p Aappaluttumi misissuinerminiit ujaqqat pinnerasaasiat qanoq annertutigisut nunatsinniit anninnikuuai qanorlu naleqarpat?**
- 3. Apeqqut 2-mi apeqqutigineqartut Namminersorlutik Oqartussanit nakkutigineqarpat?**
- 4. Pinnerasaasiassat misileraatitut nunatsinniit annissuunneqarnikut suliffeqarfimmit akiliisinnaajunnaartumiit tunisaqassutigineqarnikuuppat?**
- 5. Pinnerasaasiassat misileraatitut nunatsinniit annissuunneqarnikut suliffeqarfiup akiliisinnaajunnaarnerata kingorna qanoq pineqassappat? Namminersorlutik Oqartussanit utertinneqarnissaannik piunasaqartoqassava?**
- 6. TNGG-p akiliisinnaajunnaarnermini Aappaluttumi ujaqqanik pinnerasaasiassanik piianissaminut akuersissutaa qanoq pineqassava?**
- 7. TNGG-p Aappaluttumi piiaasinnaanerminut akuersissut pigisaa suliffeqarfiup akiliisinnaajunnaarnerata kingorna nunaqavissunut ingerlatassanngorlugu tunniunneqarnissaa Naalakkersuisut pilersaarutigivaat?**
- 8. Apeqqut 7-mut akissut naamiuppat tamanna sumik tunngaveqarpa?**
- 9. TNGG ujaqqanik pinnerasaasiassanik piiaanissamut misissueqqissaarnissamullunniit Aappaluttumi akuersissutaatimi saniatigut allanik peqarpa? Apeqqummut akissut aappiuppat, akuersissutit taakku qanoq pineqassappat?**

(Inatsisartuni ilaasortaq Múte B. Egede, Inuit Ataqatigiit)

Tunngavilersuut:

Ulloq 06.09.16 tusagassiutitigut tusarliunneqarpoq True North Gems Greenland (TNGG) Aappaluttumi ujaqqanik pinnerasaasiassanik piiaanissamik akuersissummik peqartoq akiliisinnaajunnaartoq. TNGG-p ukiuni kingullerni arlalinni misissueqqissaarnerani nalunngilarput suliffeqarfik ujaqqanik pinnerasaasiassanik ikigisassaangitsunik qularnanngitsumillu nalitoqisunik misiliutissaminik nunatsinniit annissuisimasoq. Piffissami

TNGG-p misissueqqissaarnerata nalaanittaaq nunaqavissut ujaqqanik pinnerasaasiassanik paaasinnaanerannut aporfeqarnerannik annertuumik nunatsinni oqallinneq ingerlasimavoq. Naluneqanngilartaaq Namminersorlutik Oqartussat suliffeqarfiutaat Greenland Venture TNGG-mut inuiaqatigiit aningaasaataanik ikigisassaangitsunik aningaasaleeqataanikuusoq.

Kissaatigaara apeqqutikka ullut qulit suliffiusut iluanni akineqarumaartut.